



Universitätsbibliothek Paderborn

**Symbola Trinitatis, Id Est Trinitatis diversarum rerum, ex
Veteris ac Novi Testamenti Scripturis, Historijs &
exemplis; nec non congruentioribus rerum naturalium
similitudinibus conscripta ...**

Duplan, Theodore

Ruraemundae, 1663

25 [i. e. 45]. Triplex perfusio aqu[a]e super holocausta, & quid allegoricè
significet.

urn:nbn:de:hbz:466:1-12221

(25)

SYMBOLUM 44.

Elias super filium mulieris Sareptanae tribus vicibus mensus est.

3. Reg. 17. habetur pro Symb. apud Dion. Richel. in expos.
l.c.

IN cubat exanimi puero curuatus Elias,
Se puero similat, ter repetitque vices.

Ista figura brevis quid denotat? anne stupendum

- (a) Divini verbi se breviantis, opus?
- (b) Per Triadem fit vita redux; ut redditus iste
Est vitæ ac Matri, vate precante, (c) puer.

(a) Est allegoria ad Christum, pro genere humano sopito peccatis; orantem patrem pro revivificatione; quem pater pro suâ reverentia exaudiuit; atque in suâ incarnatione, predicatione, & passione se eidem misericordissime coaptavit (b) Expandit se ter Elias, ad inservandum superbeatissima Trinitatis mysterium, cuius virtute, & fide postulavit obtinere supernaturalem illum effectum. Et quoniam universorum entium operumque perfectio in quadam trinitate constitut. Richelius in loc. sup. cit. (c) Refert S. Hieron. quod puer iste suscitatus, habeatur ab hebreis, Jonas propheta.

SYMBOLUM 45.

Triplex perfusio aquæ super holocausta.

Item trium patrum nuncupatio 3. Reg. 18. de symbolo trium patrum dictum est supra.

VAtum grex Baalim clamoribus æthera complet,
Obserat his aures, continet ora Baal.

Sacra dēin melior vates parat igne cremanda;

- (a) Ter quoque mactatum diluit amne bovem.

Annuit alma trium (b) Trias excita nomine patrum,

cum

Cum bove ter fusas corripit ignis aquas.

[a] Est allegoria ad corpus Christi in Sacramento altaris, super quod effusio aqua interioris & ignis in anima ter devoe est facienda; in preparacione ad offerendum, in ipsa oblatione, & post in gratiarum actione: sicquod sequitur infusio Spiritus S. qui est ignis consumens, & in se absorbens devota corda per charitatem. (b) Tres Patres, id est, Abraham representans Patrem, Isaac Filium, Israel Spiritum sanctum, qui ex Abraham per Isaac, id est, ex Patre per Filium procedit.

SYMBOLUM 46.

Tres Iesu seu Salvatores in veteri Testamento

Seil. Iosue Dux, Num. 13. qui vocatur Iesu Ecclesiastici 46.
Alius Iosue Pontifex, 1. Esdrei 3. qui nominatur Iesu Eccl.
49. Tertius auctor libri Ecclesiastici, qui sic nominatur Eccl.
50.

(a) **N**Unnitas, (b) Josedechitas (c) Sirachitas (d) I-esus,
[e] Symbola venturę terna salutis habet.
Dux Iosue; summo fuit alter honore Sacerdos;
Doctor erat Syrach: tres patriæne patres?
Tergeminos unus superas [f] o Christe: Sacerdos,
Doctor eras mundi, Doctor ad astra simul.

(a) Filius Nun. (b) Filius Josedech. (c) Filius Syrach (d) I-sus apud Grecos est trisyllabum, eò quod Iota apud eos sit vocalis, qua apud latinos est consonans. Iesus autem estidem quod Iosue, vel Messias, vel Salvator. (e) & (f) proprium nomen verbi incarnati est nomen Jesus, dicit S. Aug. tract. 3. in 1. Epist. S. Ioan. Unde ait Bernardus serm. 15. in Cans. Veteres Jesus in anibus nominibus gloriatos esse, nec enim veram salutem prestatisse, sed adumbrasse. Hanc solus praestitit Jesus noster.

SYM-